

鄧海濱著

世界書局印行

# 環遊二十九國記



## 目次

|      |     |
|------|-----|
| 序    | 一一一 |
| 贅言   | 一一二 |
| 日本   | 一一〇 |
| 美洲五國 | 一七七 |
| 美利堅  | 一   |
| 墨西哥  | 二九  |
| 巴拿馬  | 三四  |
| 古巴   | 四四  |
| 加拿大  | 五九  |
| 法蘭西  | 一一九 |
| 瑞士   | 一二九 |

|                   |      |
|-------------------|------|
| 意大利……麻納哥……        | 一一三八 |
| 奧大利……             | 一一一〇 |
| 匈牙利……             | 一一一七 |
| 捷克斯拉夫……           | 一一一二 |
| 德意志……             | 一一一八 |
| 瑞典……挪威……丹麥……      | 一一一六 |
| 荷蘭……              | 一一一三 |
| 比利時……盧森堡……        | 一一一四 |
| 英吉利……             | 一一二〇 |
| 葡萄牙……西班牙……        | 一一二三 |
| 地中海東岸諸國——非洲——歸途…… | 一一〇〇 |
| 希臘……              | 一    |
| 土耳其……             | 一七   |

西里亞……………三四

巴力士登……………四二

埃及……………四六

印度……………七四

新加坡……………八二

安南……………八七

旅行意見……………一九

中西文人名地名對照表……………一六

附索引……………一一〇

## 法蘭西

1

四月廿七夜午一時由紐約New York啓輪渡歐。數日雖有小風。然以船有四萬八千噸之大。遂不覺震動。飲食起居一如恆。此次航行前後七日。船費三百五十美金。是爲一等之次者。其上尚有數級。故旅行最多爲舟車費。若以尋常久寓一地作預算。相差甚大。

五月四日。上午十時船抵法國之斜布爾Cherbourg。此地爲法國北方海軍港。與英國對岸。拿破崙封鎖英國時。集重兵於此。至今突出海中之砲壘仍存。船到法國。同志張掖。王燦芬等。由巴黎來接。卽轉火車赴巴黎。沿途丘壑起伏。多爲牧場。人家稀少。頗有吾國鄉村氣象。夜七時。至巴黎。總支部同志早來接。知展堂梯雲亮疇哲生均先後已

至巴黎。因卽往晤展堂。因數人居住各別也。談次甚暢。并知其由西而來之一切情形。與由東而來者。完全不同。至爲有味。

五日上午。各同志來晤。駐法同志向來對黨主張一致。故相談至快。下午晤展堂梯雲。爲數時之暢談。仍各述所經各地情形。亮疇亦於傍晚相晤。

六日游露浮博物院Louvre。法國國家博物院有十二。此其最大者。亦卽世界之最大者。此院係六百餘年前之王宮。歷代擴充。面積達二十萬方尺。除一部爲此院外。尙有一部爲財政部。一部爲裝飾博物院。院中雕刻。珍寶。器皿。繪畫。五光十色。至爲大觀。卽以繪畫論。亦是較有名之紐約美術館。益爲精富。畫中關於宗教者爲多。大抵歐洲文明。除去宗教。當減去大半。畫多人物。尤多裸體。大者縱橫數丈。人物百十。皆畫學大家。聚多年精力。以成一畫。大者形神如生。一二人物之畫。更盡神色。昔人有評畫者云。某畫一身之力。聚於次指。某畫一身之力。聚於尾指。在此館觀畫後。益足證其言之實。幾有觀止之歎。院前有一公園。昔爲王宮。最初曾爲瓦窯。故有稱爲燒瓦場者。園有凱旋門。係巴黎六凱旋門之一。嗣至裝飾博物院參觀。關於裝飾家內之物爲多。

亦有中國物陳列。途經綱果魯都場 *Place de la Concorde*。此場係世界游覽場之最有名者。中央一小塔 *obélisque*。係一石所成。此石來自埃及。故刻埃及文。拿破崙戰勝埃及時。由埃及運回者。前後有噴水池二。旁列女神像八。係表彰其八大市府云。尤足起人興感者。則此地實路易十六 *Louis XVI* 夫婦斷頭處。帝王末路。有如此者。再過爲亞力山大橋 *Pont d'Alexandre*。此橋跨塞納河 *Seine*。爲巴黎最宏麗之橋。因亞力山大第一與法王會於法京。行此橋奠石禮。故名以爲紀念。歸途并上阿非爾鐵塔 *Tour Eiffel*。塔高九百餘尺。有電機可分三級而上。其第一級。則劇場跳舞場餐館小商店均有。下視屋宇如石堆。人物如螻蟻。此塔建于一八八九年法國大革命百年紀念之萬國博覽會時。建立者工程師阿非爾主其事故名。塔在公園中。其公園頗大。園爲中英公園式。所謂中英公園式者。因歐洲公園向仿羅馬。極其方整。後英人至吾國。見吾國之園。因地規畫。灣曲有致。遂合二者而建公園。此式因名曰中英式。蓋整散兼有之公園也。遊後另乘車至一中國式之花園。其建設悉如中國。亦頗得法。歸途乘地道車。換車數次。上下皆數十級。足見其深。縱橫交錯。足見其多。



七日赴總支部。與同志晤面。旋遊凱旋門 Arc de Triomphe。巴黎有凱旋門數。最大者亦名星門 Etoile。因有八路集點於此。如星芒也。門中有一穴出火。長年不息。其側常有花園。蓋遊客以弔無名英雄者。拿破崙自創街式以此爲中凱心。故此門四通八達。門高大各可數十旋丈。有種種雕刻。門既爲街道中心。汽車環而行者。長日如串珠。游畢欲觀拿破崙時所築之道路。遂舍車步行。所行之路。其闊爲一百四十米突。中有林路二。車路三。跑馬路一。建屋者尙須隔路約十餘尺。以前所見道路之宏美。當

以此爲最。嗣遊巴特布倫森林 Bois de Boulogne。林在城外。樹木蔥鬱。中有小湖。尤澄碧可愛。遊人雜沓。車馬喧闐。而打漿謳歌者。復穿插湖內。實公共行樂最適之場所。遊畢參觀拿破崙墓。其建築物甚壯麗。頂爲圓形。中有凹。深可數十尺，其闊相彷彿。拿破崙石棺在焉。四壁雕刻。至爲精美。地近塞納河 Seine。係巴黎繁盛處。蓋依拿破崙「余願葬於塞納河畔。常在最愛法國國民中間」之語。而葬此。而此語卽鑄於其墓後。拿破崙墓背爲廢兵院 Invalides。陳列武器甚衆。壁間甚多關於法國戰史上之畫。勝負皆有。最近關於歐戰者。亦有二三小幅。繪德兵之野蠻。及福煦 Foch 將軍計畫軍事等畫。院中有石像甚多。院之中央。塑拿破崙像。弈弈如生。由廢兵院遊後至學生新區遊焉。此新區各國均新建有學生宿舍。日本亦有。中國則無。其旁有拔餘之城。留爲紀念者。并登臨焉。復遊盧森堡 Luxembourg 公園。中有孤拔像 Courbe。係中法之役在福建馬江死者。此法國侵略吾國之紀念。心旣不快。嗣見一石刻。中有地球。四人負之。係表示地球上。黃白黑棕人之意。乃表示黃人者。係露體女身。其頭則剃。其辯則折。尤爲難堪。歸途觀蜡人館。入其中。是真人。是臘人。常常錯認。因館中塑像。種

類不一。並故塑觀者。而觀者又故雜入臘人中爲戲。如是真與僞莫辨矣。像中有耶穌歷史。法國革命歷史。甚多。中有一套。爲拿破侖之大宴會。塑男女無數。豪華不可一世。另有一套。則塑拿破侖在荒島絕命時。陋室一隅。布床帳中。挺臥閉眼。只有一老者。坐椅掩面痛哭。令人生無限感慨。至俄國現時飢民狀況。均有像焉。晚展堂梯雲亮晴。哲生等來寓晚餐。并有由馬賽特來歡迎之同志。故暢敘至十二時。

八日參觀國葬園。園中所葬。以學者爲多。武功者亦不少。門外有二石像。左爲盧梭。右爲福祿特爾。地穴藏棺。則首列左爲福祿特爾。右爲盧梭。屋內壁畫甚多。均精美。其後以次遊盧森堡博物院。小宮博物院。大宮博物院。賈那華勒博物院。國立圖書館。文案庫。聖心大寺。巴黎聖母院。總法院。大宮博物院。正陳列時人作品。入選者轉陳列他博物院。賈那華勒博物院。係陳列巴黎歷史一切沿革之品物者。因此對於廣州市政關於保存歷史品物。未曾注意。頗有抱憾。其圖書館藏書至富。爲世界第二。印本書有八百餘萬冊。即抄本書亦有數十萬冊。但建築宏麗則不及華盛頓國會圖書館遠甚。文案庫係藏檔案之所。總法院係包含司法行政各裁判機關在內故名。聖心大寺聖母院皆教

堂。建築均至精美。聖心大寺。在山巔。登之可望全城。晚至國家戲院觀戲。入此院。極爲隆重。須服禮服。院中之華麗堂皇。應爲戲院之首。演員亦歐藝均佳。無怪人之共羨巴黎戲院也。

九日游凡爾賽 Versailles。此地有故宮。歐戰和約簽字於此。故世界莫不知名。離巴黎約火車一小時。當乘火車時。距巴黎不遠。見其貧民所居之屋。既小復陋。彷彿吾國江北沿鐵路之村居。正值春光明媚。途中風景甚佳。無何凡爾賽至矣。此地昔爲帝王游獵。因游獵而有宮。歷代帝王多駐此。路易十四在此



凡 爾 賽 公 園

即位。其文德武功。皆極煊赫。爲法人所崇拜。故立其像於門首。宮內備極壯麗。壁畫尤美。畫多繪法國歷史上事實。關於拿破崙者占大半。當年氣蓋全歐。猶可畫中一見之。中有玻璃長廊。昔軍占法時。在此宣布德意志統一。故歐戰和約。法國必擇此地。使德國簽字者。殆亦聊報東門之役之意義乎。宮前噴水。爲種種形式。最有名于世。限於每月第一星期日開水管。是日非其時。未得一飽眼福。噴水池外。公園甚大。樹木青葱。林外有水。可以泛舟。另有大小離宮。大離宮內。復有大公園。小離宮則路易十四皇后所居。至今其品物悉仍其舊。晚赴旅法全體華僑及總支部所開之反對日本出兵山東大會演說。主張一致對口。會中全體慷慨激昂。當時簽名回國加入軍隊。抵抗日本者數十人。殊可佩也。

十日參觀美術學校。鑛業學校。工藝學校 *Écoles de arts et Métiers*。中央藝術學校

*École Centrale de Paris*

參觀美術學校時。由其祕書長 *Edouard Guérin* 招待。此校分三科。(1)建築 *Architecture*。(2)繪畫 *Dessin*。(3)雕刻 *Sculpture*。學生約百人。男女同校。有時分班課

授。全年經費。祇五十萬佛郎。教授年金。多者一萬五千法郎。其少者祇三千六百法郎。據云薪金之少。係由各人皆以教授爲名譽。故樂就云。正式畢業者。由政府給以文憑。政府年撥二十萬法郎爲獎勵金。每年繪畫雕刻二科畢業者。其第一名送至意大利實習考察。四年回國。必須有作品陳校。校中考試甚嚴。三月一小試。小試時十二時內不得離考試室。每年一大試。考期七十日。最初十三日。不許出外。先成雛形。方許出外自由繪作。出後與同行各友言。參觀美國學校。見其經費之多。情爲之急。參觀法國學校。見其經費之少。氣爲之壯。參觀鑛業學校。由其教授引至各室。一一爲之陳說。其津津有味者。則爲埃及所得二萬年前之鑛。列品之多。至十餘室。詢其教授薪金若干。但云不多。不肯告以實數。再詢之。則云有特別者。則每小時。有至二百法郎者。

參觀工藝學校。由其祕書長 Paul Landais 引觀。凡影相電影電器汽機織機留聲機等。皆陳列自初期至現在之品物。每至一室。皆預將全室機器發動。故參觀益覺真切。至無線電處時。有一像片。其祕書長告余曰。此發明無線電之學者。現其人窮無以度日。爲之慨然。至織造處。有埃及三千餘年前之織品。其色不變。可見其當時藝術之進步。吾

國其可以古文明自恃。而不自警乎。有歐戰時德國之紙衣其形一如布。據云惟不能洗水耳。參觀未了。與中央藝術工廠學校所約之時間已至。乃告別。其祕書長仍殷殷訂後約云。

參觀中央藝術工廠學校。由其祕書長及總務長引觀各處。其機器多由各工廠所送。蓋工廠出一新機。送至此校。供學生研究。則學生畢業。即當購此機應用。實廣告之至妙者。其教授多由各工廠之工程師兼。故年薪亦廉。此校特別者。據云為強迫軍事教育。其學生畢業。即可得砲科軍職。校內分授物理化學地質礦學工業電學機械治水學等。

十一日參觀巴士達 Pasteur 微生物學院。由其總務長引至各室參觀。詳細解說。巴士達為發明微生物學者。國際熱心防止微生物人士。捐資起此院。以紀念之。同時即為研究微生物之所。院內附巴士達之墓。甚精固。特開鑰引觀。墓外長廊。列與微生物發明有關之學者像。至其圖書館。則坐而觀書者。皆頭白鬚長之人。深敬外國學者。終身求學不懈。

次參觀光學應用專校。由其校長引觀各處。一一詳為說明。此校成立於歐戰後。因歐

戰時。見光學與軍事上。關係甚大也。其建築費半由政府供給。半由私人捐助。校分二級。其上級一年畢業。所學爲最高理論。與實用。欲入此級者。須先習高深數學數年。其次級則專養成工廠應用手藝家。三年畢業。半日課授。半日實習。上級學生三十名。大半由政府資送各種軍官來學。此外爲光學實業界資送。校內常年費爲七十萬法郎。部分由政府發給。一部分係捐助。一部分係學費。其儀器則多由實業界所捐送。

再次參觀女子大學。及其附屬中小學。由其校長及主任招待引觀。此校係教會人所設。大學生不過數十名。中小學生有八百人。常參觀其中學上課時。有一學生在課門外立正。聞係因上課偶語之故。竊歎二十年來所未見者。其上課學生。嚴肅之中。仍有活潑氣。其宿舍亦清整。據寄宿其中之廣大畢業生李佩秀黃綺文二女士云。向未許人參觀宿舍。此次實特別云。并云校中待遇伊等至爲親切。而二女士則在巴黎大學上課。詢各級學校男女應否分校。其校長固主張中學以上絕對分校者。問其法國中學教員。與大學教授。薪金所差無幾何故。則云大學教授應增薪金。既多主張。未實現者。國家財力之關係。其主任言法國女子教育狀況初級教育與男子同。凡男女學生欲爲教員者。須進初級

師範。初級師範男女之學制同。而班不同。至中等教育男女向來不同。男子課程較高。例如男子中等教育有希臘拉丁文。而女子中等教育則無。男子中學畢業可得中學文憑。女子中學畢業祇可得畢業證書之類。惟近今十年。女子中學教育課程提高。幾等男子中等教育。如女子可以考取中學文憑之類。此特就國立中學言耳。若私立中學。則課程完全與男子中學一律。此趨向近益普遍。至大學則男女同學。女子進大學者為數甚多。多入文科。至法科醫科則不如男生。就經驗所得。如中等教育培養得宜。則高等教育不讓男子。尤以文科為然。蓋誠心求學及性質清靜實女子所長也。每年中等教育考試。據統計。女子甚多居前列。則可見近來法國女學之發展。

十二日參觀衆議院。院中壁上皆有歷史畫。其議場無總統座位。國務員席。亦與議員同列。特在中間劃一隔耳。議席分左右派。愈左者其次序愈左。以次遞計至右。議場中光線。間日夜如一。圍牆有鉄叉。間防議事時為人冲進者。

次參觀巴黎大學。其視學出而招待。問其法國行大學區之利弊。則云其利則能因地制宜。其弊則人才往往有區域之限。問其大學教授。何以與中學教員薪金相差無幾。則以

任中學教員之程度。實際不讓大學教授。故待遇亦相差不過。問其男女教員之成績如何。則云大學女教員甚少。中學則男教員之考試嚴。現在亦擬將女教員考試加嚴。使男女中學能程度相等。問女子入大學者。何以少。則云女子中學畢業。或就職或嫁人云。此校學生有二萬餘人。年費三千萬法郎。政府祇支撥七百萬。巴黎大學。除各科外。另有高等師範。其地位較各科為高。人材亦甚多。凡大學畢業。欲為教員。尚須經考試。高等師範畢業者。則無須焉。法國各區大學。皆係國立。非國立者。不能為大學。與美國私立大學林立者不同。巴黎除大學外。有學術院。學者集此講學。與巴黎大學頗有學派門戶之情勢。至大學教授。年薪最多為四萬八千佛郎。中學教員。最多者為三萬六千法郎。其全國學校數。大學一七。高等及專門學校二四〇。男女中學六八一。小學八七二七九。

十三日赴駐法總支部巴黎支部古映比支部之歡迎會。午與各同志會餐。餐後。遊巴特布倫森林。品茶於亭。泛舟於水。亦一樂也。晚十一時半乘火車赴里昂 Lyon。

十四早抵里昂。同志同學來車站相接。因一夜車中不得寐。頭涿涿作痛。但有預約。